



## KEMENTERIAN SUMBER MANUSIA

### KENYATAAN MEDIA

#### **MAJLIS PENUTUP SAMBUTAN MINGGU KESELAMATAN DAN KESIHATAN PEKERJAAN KEBANGSAAN (OSH WEEK) 2018**

**Ipoh, 28 Julai** – Dalam usaha Kerajaan mewujudkan tempat kerja yang selamat dan sihat, semua pihak samada pekerja, majikan dan badan bukan kerajaan (NGO) perlu bersama-sama menjalankan program dan aktiviti yang menyumbang ke arah pengurangan kemalangan. Inisiatif bagi mengurangkan kemalangan ini adalah selari dengan prinsip peraturan sendiri atau *self regulation* yang menjadi teras Akta Keselamatan dan Kesihatan Pekerjaan 1994.

Ini merupakan mesej YB M. Kula Segaran, Menteri Sumber Manusia semasa menyempurnakan Majlis Penutup Sambutan Minggu Keselamatan dan Kesihatan Pekerjaan Kebangsaan (OSH Week) 2018 di Malay-Sino Chemical Industries Sdn. Bhd. Ipoh, Perak.

Minggu Keselamatan dan Kesihatan Pekerjaan atau dikenali sebagai *OSH Week* adalah satu acara tahunan yang disambut pada minggu ke-2 Julai setiap tahun bagi menghebahkan maklumat terkini berkaitan isu-isu keselamatan dan kesihatan serta mempromosi pembentukan dan pemeliharaan budaya kerja selamat dan sihat di kalangan majikan, pekerja dan orang awam. Tema *OSH Week* pada tahun ini adalah *Workplace Accident Free Week (WAFEW)* atau Minggu Bebas Kemalangan di Tempat Kerja.

Majlis turut dihadiri oleh Ir. Hj Omar bin Mat Piah, Ketua Pengarah Jabatan Keselamatan dan Kesihatan Pekerjaan dan Pengurusan Tertinggi Kementerian Sumber Manusia. Hadir bersama, YB A Sivanesan, Pengerusi Jawatankuasa Kesihatan, Hal Ehwal Pengguna, Masyarakat Sivil, Integrasi Nasional dan Sumber Manusia Negeri Perak, YB Dr. Ko Chung Sen, Adun Kepayang dan YBhg. Dato' Lee Hau Hian, Pengerusi Malay-Sino Chemical Industries Sdn. Bhd.

Dalam perkembangan lain, antara Januari hingga Jun 2018, Jabatan Keselamatan dan Kesihatan Pekerjaan (JKKP) telah menjalankan sebanyak 137,558 pemeriksaan ke atas tempat kerja dan jentera. Sebanyak 15,759 notis telah dikeluarkan, 315 kesalahan dikeluarkan kompaun dan sebanyak 123 kes didakwa atas kesalahan berkaitan keselamatan dan kesihatan di tempat kerja.

###

**Dikeluarkan oleh:  
Unit Komunikasi Korporat  
Kementerian Sumber Manusia  
28 Julai 2018**